

# Avunda party!

## Il 9avel Top Pop Rumantsch

■ (rtr) Il novavel Top Pop Rumantsch ans lascha redudir ina da las pli marcantas vuschs dal rock rumantsch: Elmar Deflorin (Ex-Hades) sgratta cun sia gruppa actuala L\_MAR in pau vi dal mythos da la party sempiterna. Cun la chanzun «Adrenalin». D'udir exclusivament sin Radio Rumantsch. «Tut ei cool, tut ei lüss, tut ei mega» – uschia cumenza la chanzun, ed ins s'accor-scha immediat, che quai n'è betg manegià en senn positiv. «Adrenalin» è la chanzun dad insatgi ch'è un-fis da la buna luna sempiterna, dal sauglattismus infinit. Il chantant è dentant enconuscent per sias colurs differenziadas, ed il pli tard nua ch'el recloma «jeu hai bu pli flad» san ins che quella critica cuntegna in bel tranterturn auto-ironic. *Elmar Deflorin*, cun ses 50 onns in dals veterans

da la scena rumantscha, sa precis che ses flaivel entusiassem per la gronda party ha magari er da far insatge cun la vegliadetgna. La chanzun sezza flada dentant sorprendenta aria frestga. La gruppa da rock L\_MAR – cun *Thomas Gloor* a las ghitaras, *Benjamin Tanner* al bass e *Thomas Wild* (da la Schmetterband!) a la batteria – è vegnida da crear in'atmosfera plain tensiun, cumbinond ina battida meccanica cun in sun detg transparent. In rock modern dad ozendi – il novavel Top Pop Rumantsch «Adrenalin».

L\_MAR: Durant 15 onns ha Elmar Deflorin marcà cun sia vusch la gruppa da rock sursilvana Hades. Sia dimora professiunala a Turitg ha dentant avert novas vias musicalas. Ensemen cun il gharist Thomas Gloor – in Rumantsch tras marida-

glia – ha Elmar fundà l'onn 1997 la gruppa The Crimps. Passond per il quintet Shark 11 s'è lura cristallisa-da la furmazion odierna. Ella porta il num L\_MAR e cumpiglia er il bas-sist Benjamin Tanner ed il battarist Thomas Wild, ch'ha sunà onns or en la Schmetterband da Polo Hofer. En ina fasa transitorica èn ils L\_MAR er d'udir sin l'album «Lain Fabular – ils Beatles per rumantsch».

Top Pop Rumantsch vegn era en l'avegnir ad esser in label per pur-schidas innovativas ed unicas en il program da musica da RR. Per l'onn 2007 èn planisadas ulteriuras produ-cziuns. Ultra da quai vegn a cum-parair primavaira ina cumpilaziun cun las chanzuns sortidas fin qua.

**Cumposiziun: L\_MAR; Roman Camenzind  
Text: Elmar Deflorin  
Producziun: Manfred Zazzi, L\_MAR**



**Thomas Gloor,  
Elmar Deflorin,  
Benjamin Tanner,  
Thomas Wild (da san.).**